

Валентина Грабежова



Татчö воывла ме

СЫКТЫВКАР 2012



Шатчö воывла ме



**Грабежова В.М. Татчö воывла ме = Возвращаюсь сюда:
кывбуръяс / В.М.Грабежова. – Сыктывкар, 2012. – 24
л.б.**

Лöсьöдышти тайö небöгторсö аслам чужан лун кежлö.
Кывбурыс менам абу уна, но коркö-мыйкö артмылö юрын.
Татчö пырті и выльясöс, и воддзаджыкъяссö, сьöлöм
вöрзöданаджыкъяссö.

Кодкö лыддяс да гашкö, тшöгш ме моз казтьштас важсö,
бурсö, лов кыпöдана вöвлöмторъяссö. Дерг, голь кывйöн, но сы
пыдди сьöлöмсянь кöсйи юксъыштны аслам югыд и неуна
гажтöм мöвпъясöн. Став бурсö, быд бурсö!

Мыйла пö...

Мыйла пö важсö казътывны,
Водзын пö югзё бурыс.
Кыгысь нö, сідзкö, босътчи ме –
Свет вылас кыгысь сюри?

Кыдзи нö овны важтöгыс?
Менам сэн чужан лунöй.
Кыдзи нö вунöда важсö ме?
Сыгöг ме некод, нинöм.

Кыдзи нö Гарья сикттöгыс?
Сэн менам ичöтдырöй.
Кыдзи нö Сыктыв мичтöгыс?
Öнi век гажöй бырö.

Кодi ме аслам чой-воктöг? –
Накöд ме öти вира.
Кодi ме аслам мамötöг? –
Сысянь став сямыс-бурыс.

Кутшöм нö выльыс важтöгыс?
Подулыс абу зумыд.
Выльыс сэк югзяс гажтöма,
Юрсъыд кö ставыс вунö.

сентябр 2012



* * *

Эм Гарья сикт, кӧн чужис миян мамным,
Тан чужаніныс вӧлі ыджыд мамлӧн.
Ыджыд айным сідзжӧ татчӧс мортыс,
Тан вӧлі чожӧ-вежайнымлӧн гортыс...

Гарьясайса ягӧ тулыс-арнас волам,
Рӧд пуктысьяслы копыртчылам чӧла.
Енсянь матынджыкӧсь найӧ ӧні,
Енэжсяньыс, кӧнкӧ, видзӧдӧны:
Кутшӧм сямӧн-думӧн выль кӧлена олӧ,
Гашкӧ, кодлыкӧ и насянь отсӧг колӧ.
Кевмыштасны ыджыд Енъяс водзас,
Мед быдтасъяслӧн мывкыдлуныс сӧдзас...

Бурӧн-ладӧн паськалас мед рӧдыс,
Да рӧд пуктысьсӧ нимнас бура тӧдіс.



* * *

Вөлі...вөлі – ён жö тайö кывйыс.
Кузякодъ нин каям олөм кырйөд,
Бурджык оланінъяс ветлам-корсям –
Вөлі...вөлі-ыс век вөтлысьö ми бөрся.

Казьтылам, мый вөлі коркө важөн:
Мый Гаръя сиктын Речкөй вөлі гажөн,
А Сыктылыслөн джуджыд кырөминас
Вадор джыджлөн вөлі оланіныс.

Сыктыв юас вөлі резсям бура,
Лыа бужд вылас сэсса дурам,
Джебсясьмөн ворсам магазея дорын,
Кыгчөдз кодкө верстьö миянөс оз горөд.

Вөлі, вөлі...– кымынысь тадз шулан,
Кор мыйкө казьтылігөн важас сунан.
Он нин бергөд, шуласны век тадзи,
Эн вунөд сөмын, туйсö татчө аддзы

2012



* * *

Ньӧжйӧ кышӧдчӧ ӧшиньӧ зэрыс,
Шӧпкӧм шысьыс чӧв ланьтӧдчи сэн.
И со кысянькӧ шоныд зэр пырыс
Воис вежӧрдз сьыланкыв мен.

Тайӧ сьыланыс тӧдгӧм и тӧдса,
Сьывны босьтала, кужа кӧть ог.
Сьыла гораа, вомӧй кӧть пӧдса.
Кыськӧ вӧзйысис нор сьыланног.

Аслам думъясӧн юкся ме зэркӧд,
Чужысь шыладыс вӧрзӧдӧс лов.
Быгтӧ вӧсьлала варов ёль бердӧд,
Таысь кыпыдыс нинӧм оз ков.

Дыр на кышӧдчис ӧшиньӧ зэрыс,
Кывзӧ помасьтӧм ва сьыланкыв.
Ог и шогсьы, мый кольӧма бӧрӧ,
Паныд выльыслы паськӧда сыв.

2012



СЫЛАНКЫВ КЫВЗІГӨН

Синваодз вайёдіс зонмыслөн сьылёмыс,
Став сьолёмкылёмсё ас пытшкөн кылі ме:
«Юрбитөй, бурсиёй асланыд мамъяслы,
Быдмасны челядьныд – сиасны тиялы.

Эскан көть он тэ Енмыслы,
Кытөн көть оланіныд,
Эн вунёдчы Еналысь кевмыны,
Мамыды бурсё сины».

Зонкалөн гёлёсысь, сьылана кывъясысь
Ассикас корём ли шыёдчём вөзйысис:
«Мамъястё казтылөй вөтөн и вемөсөн –
Еньюгыд оломсё тиялы сетөма».

Сьылёмыс пыдідоз сьолёмөс гумовтіс,
Сөнъясөд гыясөн паськаліс-чөсовтіс.
Ачым көть мам, дай арлыдөй тырмымөн,
Вөрзёдіс зонкалөн мам йылысь сьылёмыс:

«Эскан көть он тэ Енмыслы,
Кытөн көть оланіныд,
Эн вунёдчы Еналысь кевмыны,
Мамыды бурсё сины»

Вөйтчылам кыгчөкө асланым төждьясөн,
Вунёдчам звөнитны, юксьыштны мөвпьясөн.
Быд шыёдчём челядьлөн мамыды колана,
А бурджык на сыысь, верман кө волыны.

2012



* * *

Менам паметысь быдман кадӧй
Оз и вошлы, оз вушы, оз вун:
Орчӧн восьлала ыджыд мамкӧд,
Кутӧ киӧд, кӧть кыгчӧ оз мун.

Кор и шойччыліс, кор и узыліс?
Трудодень выӧ бергӧдіс удж.
Ме тшӧтш содгылі сюрӧм мудзсӧ:
Нинӧм ас кежысь эг на куж.

Юрӧс мальштліс кор мелі кинас,
Лӧня шуыштліс видзана кыв,
Бырліс полӧмӧй, косьмыліс синва.
Вот пӧ бур, менам шань ичӧт ныв.

Мойдліс-висьтавліс рыггя кадӧ,
Кыдзи овлісны катша да шыр.
Либӧ: вӧвлӧма пӧ Иус дядьӧ,
Буртор съӧд йӧзлы вӧчӧма пыр...

Ог и тӧдлы, кыдз унмовся чӧла,
Аски асывсӧ садьмӧдас кань.
Ыджыд мамукӧй, зера кӧть тӧла,
Важӧн мунома шедӧдны нянь...

Пач водз дорышын рок тыра тасьті,
Пызан пельӧсын кринчаын йӧв...
Меным асывсянь сӧянтор дасьтыліс,
Кодыр лунгырӧн гортын эз вӧв...

Коркӧ босьтлывліс видз выӧ, вӧрӧ,
Вотны велӧдіс оз тусь и чӧд.
Кывзам вӧлі, кыдз йӧлӧга нерӧ...
Ичӧтдырйиыд нинӧм он тӧд.

Содіс арлыдӧй, лӧбисны вояс,
Муса серпасьяс пыр быгтьӧ тан:
Мыйкӧ сӧрнитам, кутчыся сояс...
Орчӧн восьлаалам кык ыджыд мам.

2009

* * *

Өтчүд аддзи, кызд өвтыштіс кинас
Чужомбанодыс лэччысь ва войт.
Шуис, ёгтор пö веськаліс синмас –
Эг на төд, кутшөм сьөлөмас дой.

Кутшөм бырлыгөм дой ыджыд мамлысь
Песіс сьөлөмсö уна дас во,
Вөвлөм ыджыд войнасянь эз ямлы –
Вошис пиыс сэн, горгас эз во...

2012



* * *

Бара казтыгвсис мем ыджыд мамӧлӧн керка:
Лӧсьыд зэв ӧшинь ув – льӧмъя-дзоридза сер.
Шуда олӧм ми сэн ыджыд мамӧкӧд коркӧ,
Майбыр кад – ичӧтдыр – оз и вунлы тай нэм.

Вӧтӧ усьлываӧ лун, мича, шондӧа, югыд,
Гажа керка да йӧр, ноксьӧ сэн ыджыд мам.
Мелӧ нюма да шань – ськӧд вунӧ став шогыд.
Быдгор юася ме, сьлӧн сёрниыс рам.

Татчӧ волюваа ме уна кад кольӧм бӧрын,
Ставыс вежсьӧма тан, ӧшинь ув, керка берд.
Сӧмын син водзын век, видза ас сьӧлӧм шӧрын
Муса зэв ӧшинь ув, льӧмъя-дзоридза сер.

юнь 2012



* * *

Коркө
и гожөмыс вөлі гажаджык,
И олөмыс вөлі лададжык.
Меліджык вөлі шондһыс,
Төждһысис Му шар пондаһыс.

Өнһ
сідз жө воливлө төлыс-гожөмыс,
Нимкодһ чужтһылө вөр-ва ловзһөмыс,
Петлө воддза моз шондһ-төлысһыс...
Ачым?... Эг на жө быгтһө пөрысһымы.

Визув ва мозыс олөм визувтө,
Пыран-бергалан верстһө ковтһысө.
Нюмөн казһылан томдыр воястө –
Визув лэбач кодһ тэрыб бордһяса.

2009



Мед сьолӧмным век лоас том!

Кутшӧм томӧсь ми вӧлім, зэв томӧсь,
Челядь руаӧн вӧлім на ставӧн.
Локтім, торьялім ас семья помысь,
Медым велӧдчыны Сыктывкарын.

Ӧти во, сэсса мӧд, со и нӧльӧд
Быдмим, велӧдчим, олім да сӧвмим.
Гажа томлунным визувтіс ёльӧн...
Воис кад сдайтны бӧрья экзамен.

Ставӧн разалім индалӧм инӧ,
Лэбим тӧдтӧм на выльыслы воча.
Эз тай повзӧдлы миянӧс нинӧм,
Быгтьӧ-й быдгор нин кужам да вӧчам.

Олӧм олӧмыс быдӧнаы сетіс
Шудсӧ сы мында, мыйтаӧс вермис.
Кодӧс шыльӧдіс, кодӧскӧ летіс,
Тшӧктіс ёнмыны, сьӧкыдсӧ венны.

Шуда лэбачӧн радейтчӧм чужліс,
Борднас шеньштліс, качӧдліс вывлань,
Кыпыд ловруыс колис пыр кезлӧ,
Ӧні вежӧрӧн сэтчаньӧ сынлам.

Вӧлім тэрыбӧсь коркӧ, зэв томӧсь...
Сэкса нь колисны вояс да вояс...
Быдӧн вежсим, дерг, олігад ӧнӧдз,
Мед жӧ сьолӧмным томӧн век лоас.

09.06.2010



Гожся муслун

Отар-модарас потшөссиянь сувтім,
Кылім асьнымос сьолөмөн, шытөг.
Отар-мөднымос радейтны кувтөдз
Пөся косьысьлім ми гожся рыгө.

Югыд войяса гожөмыд миян
Зэв и дженъид да пөртмасын рөма.
Яра ыпнитлөм муслунаөн биыс
Вөлі гожөмыс кодъ ичөт нэма.

Вежөр пельөсын муслуныс тайө
Олө, нюмъялө, лэпгылө ловру.
Сэки лэбыштөм гожөмъяс сайыс
Бытгьө вольываө бөр менам томлун.

2007



Чайгі...

Чайгі, мый радейгö ёна,
Ме понда вошöма унмыс.
Чайгі, мый лоны оз вермы
Татшöми лöсьыд мöд зонмыс.

Чайгі, кор локтас, вежаа пырас,
Паськыд пельпомас пуктышта юрöс.
Пельö вашкöдас медсöстöм кывъяс,
Пöся кутыштас, топöдас сывъяс,

Чайгі сэк, йöйыд ме, збыльысь,
Мый öтмоза сьölöмным пессис.
Чайгі, мый аддзысям выльысь –
Ме öтнам, и сийö ас кежсьыс.



* * *

Ме тэнад окыштöмысь коддза,
Ме тэнад сывйьштöмысь сыла.
Кöть оваö, абу мекöд орччöн,
Но муса лов шыгö век кыла.

Быд здукö аддзыны ме кöсья
Джум видзöдлассьыд мелі киньсö.
Тадз радейгöмöй помтöг öзьяс,
Нэм помöдз видзас ассьыс вынсö.



* * *

Медводдза радейтõм – и юмов, и доя.
Сьõлõмыд сэки то кувлõ, то збой.
То енэжõдз кыштылан, ыгваас вõян...
Мыйгаысь кольываõ узьтõмõн вой...

Татшõми висьõмыс быдмигад волõ.
Бурдõдõ сийõс да шьльõдõ кад.
Томиник моргыдлõн, нэриник ловлõн
Оз дзугсы мед эськõ сэк бур олан лад.

И олõмыс артмас мед весьтас да бурõн,
Вежаа, видзана овсяс быд лун.
Медводдза радейтчõм – сьõлõмад вурьыс,
Сы йылысь казьтылан, некор оз вун.

2010, июнь



Муса ёрт

Кодлыкӧ, гашкӧ, ковма на?
Та йылысь вежӧрӧ волӧ на.
Тадзисӧ сьӧлӧмӧй кӧсийӧ –
Юрсадьӧй мӧдногӧн вӧзийӧ:

Кадыс пӧ сэтшӧмыс кольӧма ыӧ,
Мый нин сэн бара сьӧлӧмыд сьылӧ?
Быд сикас олӧмыс вӧлі нин тэнад:
Шуда и гажа, югыд и пемыд.

Ачым тадз аскӧд водзаса,
Муслунгӧг олӧмӧй кортсасьӧ...
И сюрис ӧд ёртӧй – мелі да шань,
Мусаник, том, еджыд морӧса кань.

август, 2012



Эскыны колёма,эк...

Томдырся вөвлөм любовс
Быгтьөкө жалита век.
Мыйлакө шызёддө лолөс,
Казьтывла, нюмъяла сэк.

Казьтывла кольөмсө,
«Радейга» дольөмсө.
Эскыны колёма –
Сьөлөмөй полёма.

Кутьштліс небыда коскөд,
Радпырысь паньдасиг.
Тшөкыда вичкодор поскө
Вольвлім аддзысьны ми.

Казьтывла кольөмсө,
«Радейга» дольөмсө.
Эскыны колёма –
Сьөлөмөй полёма.

Аддзысьлім, бергалім вальсын,
Шудаось, томось на сэк.
Водзёсө кутшөми чассьө –
Эгө на төдөй ми, эг.

Казьтывла кольөмсө,
«Радейга» дольөмсө.
Эскыны колёма –
Збыль, любов вөлёма.

август 2012



Югыд войса дженъыд гождомыс
Вежис-пӧртмаліс миянысь лов.
Сӧмын оломыс ставсӧ веждома,
Меным кольома казтыланпом.

август 2012



* * *

Сёрнитны ог кӧсйы некодкӧд:
Мудзсьӧма быгтьӧкӧ ставсьыс.
Кывъясӧс кодкӧ нетшьштис...
Козьналӧм дзоридзыс нярзис.

Некодӧс ог кӧсйы аддзыны,
Пукся да олышта ӧткӧн,
Кывзышта чӧвлаунсӧ видзӧмӧн
Сьӧлӧмлысь морӧсын тӧпкӧм.

Татшӧми здукъяс кор волӧны,
Мӧд ногӧн артыштан асьтӧ.
Весьтас-ӧ олӧмыд, ставлы-ӧ колана?
Кодкӧ бурӧнсӧ казътас?



Шыөдчөм

Шыбитгөй рос пьдди кок улад чышкыштны коктө.
Том дырйи колана вөвсьөма – зумыд да повтөм.
Өні ме пөрысьми-сөрми дай висьыштла коркө.
Сідзи и олышта-ола, дзик некоды ковтөм.

Шыбитгөй менө кок улад, чышкыштгөй коктө.
Кыла на сэки, кор инмөдчад, мый абу дзик ковтөм.
Сьөлөмөн кыла сэк тиялысь шогтө да мөгтө.
Быд пыриг и петіг чышкыштгөй ме бердө коктө.

2011 во



* * *

Ме пыдди думайтны оз ков,
Ме югыд вежөрөн век ачым ола.
Коть мукөддырйи дудә менам олөм,
Ме пыдди думайтны оз ков.

Кор сьөкыд здукъяс өшйыласны дзик,
Он төд, кыдз топыд лэчкысь петны.
Он төд, кыдз вочакывтө сетны,
Кор сьөкыд здукъяс өшйыласны дзик.

Ме өтнам сэк, коть ньөти абу өтнам.
Морт олөмыддөн шердыныс тай чорыд.
И колө горзыны, но некодөс ог горөд.
Оз кывны некод, коть ньөти абу өтнам.

Ме пыдди думайтны оз ков,
Оз ков и сёрнитны мыш сайын.
Мед өтнам ме, ог йөрмы некор тайөн.
Ме ачым вежбра на ловъя лов.

2011 во



* * *

Кутшөм чунь он курччы – доймө ставыс.
А менам медся ёна доймө чаль.
Мыжаыс ме тани али правыс? –
Медчөтыс меным медся жаль...

Медчөтыс, дерт жө, медся жаль.
А кор орчча чуньыс юкавны тшөтш пондө,
Либө ыджыдджыкас сатшас жель,
Пуков дойыс ставнас киос ёнтө...

Кутшөм чунь оз доймыв – мамы ставыс жаль.

2011 во

* * *

Ме, гашкө, ачым ачымөс ог төд.
Мый водзө лоө, мөвпавны ог босьтчы.
Быгтьө тайө абу ме, а кодкө мөд
Мөвпалө да тшөктө меным вөчны.



Юриндалысь

Мыйла пö.....	3
Эм Гарья сикт, кöн чужис миян мамным.....	4
Вöлі...вöлі – ён жö тайö кывйыс.....	5
Ньöжйö кышöдчö öшиньö зэрыс.....	6
Сьыланкыв кывзёгöн.....	7
Менам паметъысь быдман кадöй.....	8
Öтчыд аддзи, кыдз öвтыштис кинас.....	9
Бара казътывсис мем ыджыд мамöлөн керка.....	10
Коркö и гожöмыс.....	11
Мед сьöлöмным век лоас том.....	12
Гожся муслун.....	13
Чайгi.....	14
Ме тэнад окыштöмысь коддза.....	15
Медводдза радейтöм – и юмов, и доя.....	16
Муса ёрг.....	17
Эскыны колöма,эк.....	18
Югыд войяса дженъыд гожöмыс.....	19
Сёрнитны ог көсйы некодкöд.....	20
Шьöдчöм.....	21
Ме пыдди думайтны оз ков.....	22
Кутшöм чунь он курччы.....	23
Ме, гашкö, ачым ачымöс ог тöд.....	23

Валентина Михайловна Грабежова

Возвращаюсь сюда

Стихотворения

На коми языке

Бумага офсет. 60x84/16. Усл.печ. л. 1,5. Тираж 50.

Отпечатано 12.10.2012.

